

純陽真人渾成集序

事七

竊謂古人無心於為文故言發乎誠而大體全後世有心於為名故文過乎情而華藻勝大體者根於自然華藻者出於使然自然者同乎天使然者參乎人心聲之發見限量不言而判爾且煥而為日月章而為雲漢融而為山川散而為草木仰觀俯察萬象森羅莫非天之文地之理而天地大化豈容心於此哉無言而生不為而化蓋有不期然而然也我祖純陽呂翁真人學貫天人之際手握造化之機矢口成言灑翰成章初非心思智慮之所致抑亦天機自發沛然莫能禦者其勸世也隨方設化辭白義精觀之使人判然冰釋怡然理順廉貪敦薄勃勃然絕塵之慮歟其誅劔也假物明理氣豪心放讀之使人釋然四解神清氣逸刮垢磨光飄飄然有昇虛之思歟夫仙翁之出神入聖千變萬化其文散落於人間殆不可以兼收而備舉甫於藏室中得其詩章二百有餘篇為二卷名之曰渾成集以其渾然天成非人為所能及也

執事於純陽宮者議欲錄本以廣其傳庶與四方共之因囑予序引剛拒不能姑為道其梗槩其中亥豕之疑不無一二安敢以已意輒更之疑以傳疑當俟達者嗚呼有能即其詩以求其心因其心以得其行由其所行之行以造聖人之道其亦庶幾乎愚不能無望於後之學者昔辛亥歲閏十月望日條陽清真道人何志淵頓首稽首謹序

純陽真人渾成集卷上

勸世吟七言律詩二十九首

為人不可戀鶯塵幻化身中有法身莫銜胃中搗錦繡好於境上惜精神迴來便訪仙家侶迷即難逃俗春親為告聰明英烈士休教昧了本來真

騎鯨幾出洞庭湖誰識逍遙厭世夫萬朵金蓮開混沌一輪心月印虛無不求我住黃金閣唯願人居白玉壺袖得青蛇歸去也鳳簫聲裏步天都

暉暉星斗煥文章身遠閑雲別帝鄉一粒丹於方外煉百篇詩向醉中狂壺天自有長春境海島寧無不夜堂踏破碧霄雲外路九重天上傲羲皇

喬木陰陰觀落霞好山都屬道人家寒灰溫鼎重生焰枯樹歸根復放花人世興亡終有限瑤宮歲月了無涯天風觸亂鏗鐺珮來往飛騰紫鳳車

世情不悟只囂頑空手歸來下寶山綠鬢遠巡翻雪鬢朱顏咫尺換蒼顏寸心勉作千年